

Satzige vo de **BASLER ZEPF, ZIRI**

1. D Basler Zepf sin e Basler Fasnachtsclique in Ziri, wo d Basler Tradition hooch halte und jeedes Joor an dr Basler Fasnacht mitmache.
2. Unserer Clique kenne Männli und Wyybli agheere, vorusgsetzt, dass si d Satzige erfillen und d Byydräg und s Gosdyym pinggtlig zaale.
3. Als Basler Zopf bisch allewyl e rächte Fasnächtler.
4. D Clique bestoot us Aktiv- und Passivmitglieder, wo dur d Cliqueversammlig uffgnoo wäärde. Bis zem achzääte Geburtsdaag bisch Jungmitglied. Bsunderi Verdienschent kenne zer Eeremitgliedschaft fiere. Do driiber bschliesst d Cliqueversammlig.
5. D Cliqueversammlig isch die heggsti Instanz. Als Aktiv- und Eeremitglied hesch deert e Stimmrächt, Si wäält dr Vorstand und bestimmt jeedes Joor d Mitgliederbyydräg. Neyuffnaame, Uffnaame in d Aktivmitgliedschaft und Usschluss fallen au in iiri Kompetenz.
6. D Heechi vo de Mitgliederbyydräg wird uf Aadraag vom Vorstand an dr Generalversammlig jeedes Joor ney feschtglegt und darf Fr. 300.- fir Aktiv- und Passivmitglieder nit iberstyyge. Fir Verbindligkaite vo dr Clique haftet usschliesslig s Cliquevermeege. Jeedi perseenligi Haftig wird usgschlosse.
7. S Cliquejoor goot vom 1. Mai bis zem 30. April. Bis Ändi Oktober isch dy Byydraag und mit dr Amäldig zer Fasnacht en à conto Zaalig fir d Fasnacht und dyym Gosdyym zaalt. D Heechi vo dr à conto Zaalig wird vo dr Versammlig bestimmt.
8. Mit dääne Satzige wärde d Satzige vom 28. Oktober 1966 ersetzt. Dass bi uns e bitzeli Oornig heerscht, wärden in de Cliqueversammlige verbindligi Bschluss gfasst, wo in unser Bschlussbuech ydrait wärde. Im libryge untersteen mir im Schwyzerische Verainsrächt.

Ziri, 13. Juni 2003 aistimmig agnoot dur d Cliqueversammlig.